

Marking Scheme (2021 – 2022)

MIZO (198)

Class : XII (Term II)

Section A (Grammar)

1. Khawvela hnam hrang hrangte hian mahni tawng nilo, mahni tawng ang maia hman hi kan ngah em em mai a. A chhan langsar tak zingah chuan sumdawnna leh mamawh inphuhruk tawna atanga tawng kan inhman pawlh hi a ni a. Chumi piahlahmah chuan, hnam chak zawkten hnam chaklo zawkte an awp beh hian a awpbettute nunphung leh chetzia te, culture thlengin an la thin a, a thente phei chuan sakhua thlengin an la thin. Ram leh hnamin hma a sawn dawn chuan tawng dang seng luh teuh a ngai thin bawk. Chu chuan tawng a tipunga, kan inhman tawm nual thin a ni
2. Vai tih tawngkam hmang hmasatu chu, Captain T.H Lewin, Mizoten Thangliana an tih kha a ni a. Mizo nilo hnamdangte chu Vai tiin a lehkhabuah a ziak mai thin.

Vai tih hi 'Bhai' (unaupa) tih atanga lak niin a lang a, keini pawhin tun hun thleng hian kan hmang zui ve ta zel a ni.

3. Mizoten Hebrai tawng, kan tawng ang maia hman hi kan nei nual mai a, chung zinga panga chu; Halleluia, Hossana, Amen, Mesia, Krista tithe hi a ni.

Section B (Reading)

4. India ram ropuizia
5. Hnam fing hmasa Grik ho hian thil an chhut nasain, an thil sawi leh chhut tam tak hi vawiin thlengin khawvel hmun hrang hrangah kan la tuiptiin kan la zawm nasa hle. Mihring nuna hmuh theih leh hmuhtheih lohte hi chhut chet chet ngai leh a nihna dik tak hmuchhuak tura tehkhawng mumal ta hmang chhut vek an ngai thin a, thil dik famkim thei ang ber ni tur chuan mathematics atang lo chuan hriat chian a har hle a, chuang chuan he thu pawh hia n sawi niin a ngaih theih.

Rimawi (Music) pawh hi hunbi dik leh hunbi kimah lo chuan rimawi a ni thei lova, tehkhawng mumal taka the a nih loh chuan bengcheng mai a chang thei a ni. Glyn Evans a ngaihdan ang hian fakna leh lawmthu sawina rilru pu chung a mihring thinlung inpekna hlutzia hi sawi chhuah thiam rual a nil ova, a aia duhawm reng a awm thei loving. He thuziaka Martin Luthera ngaihdan pawh hian a duh fir viau nangin tunlai dinhmun anga the chuan mi tam zawk ngaihdan a ni kher lo maithei a,

chutih rual chuan rimawi thiltihtheihna atanga ngaihtuah chuan hmanraw tangkai ber zinga mi anih avangin hian dinhmun sang taka ding thuhritute hian an hmang tangkai zual thei dawna a lan avangin hetiang hian a sawi ta niin a ngaih theih.

6. Ram leh hnam hruaitute hi an pawimawhin an dinhmun a sang ngei mai. Chutihrual chuan mitin banphaka an awm a, an dinhmun san anga awm mail ova inngaitlawm taka an nun chuan mi chhe ber pawhin chanvo tha changing, ramin hma a sawn phah thin a ni. Chutiang hunah chuan thil tha engpawh midangte duhsakna a lo awm thin a ni.

Section C (Composition and Writing)

7. Thim zingah hmu chiang thei lo chungka kal thawih thawih hi Ar khawthim dai a ni a, Ar tial fin erawh chu mi naran aia fin dan dang deuhte hi Ar tial fin an ti thin.
8. Thi beh lo thu
9. LO emaw, ram emaw a inrina tura ruat hran leh chhinchhiah ngai lova rin nghal theih, lui kawr emaw, inrina tur lo awmsa hi a ni.

Section D (Literature)

10. A hla phuah atangin Hrawva nun khawhar zia kan hmu a. A naupanlai atanga enkawltu mumal awm lova seilian, a nu a thih hma avanga chung leh khatte enkawl seilen anih vangin a mah chawiliantu chu Pathian a ni tih a chiang em em a ni. Mite chu an nuten thu chhia thu tha tinreng an hrilh a, a ni erwh chu hrilhtu an awm loh avangin chu ringawt pawh chuan a nun a tihrehawm thin. A chhungrila khawhar rukna avang chuan thiante bula awm pawh nuam a ti lova, theih nise chuan sava anga thlawh kual mai mai a, a suangtuahna anga a nu leh pa hmuh tuma tlang hrang hrang fan a chak thin.

A hlaah hian vairama a awm chung pawha a khawharnain a kalsan lohzia kan hmu a, a nu leh pate chuan a khawharzia chu hria ni sela chuan an rilru pawh a nat a rin thu thlengin a sawi a ni.

11. Vankhama hla phuah, 'Laikhum zala ka dawn pawhin' tih hla hi nula leh tlangval inkara induhna thianghlim tak chanchin a ni a. A ngaihnaawm em em a ni.

Tlangval chuan mut hmuna a ngaihtuah vang vang pawhin nulain duhlai tia a ko ringawt chu mak a ti hle a. Mumang lamah pheichham nen intawngin he thil hi a lo thleng ta mai em ni tiin zawhna a siam hial a ni.

Piang hmun an nih loh ziate, chi leh kuang leh inlaichinna an neih loh thute tarlangin, nulain duhlai tia a ko ngawt mai chu engdang vang mah ni lovin Pathian remruat ngei anih thu a pawm thlap a ni.

Induhtawna lo awm ta chu ropui a ti hle a, mumang ang mai niin a hria a, hlu a tiin a chhungte leh thenrual thate pawh hrilh a chak thu kan hmu a ni.

12. Mitdel hla phuahtute hian danglamna tam tak an nei. Hriatna atana pawimawh hmasa hmuh theihna an neih ve loh avangin an suangtuahna hian a thleng thui bike maw tih tur khawpin an ngaihtuahna a zau a, an hriatna kawngka dangte pawh a chakin, mi pangngaithe theih loh leh banphak loh tam tak an ti thei thin a ni.

An hlaphuah tam takah an theihnain a tlin loh, an chhehvela awmte hmuh an chak zia a lang fo a, an khaw hmuh a thim vek avangin an thlakhlelh ber pawh Eng a ni thin. An nun khua a hrehawm em avangin inhnemna tur an zawng a, khawvel damchungin hmuh theihna an nei thei dawn lo tih inhre chungin Pathian hnen thlen hun an nghakhlel zual a, chu hmunah chuan an beisei ber pawh hmuh theihna tho chu a ni. An thil thlir dan leh tehna tam ber pawh thim leh eng a tam ber a, an mitin khua hmu lo mahse an suangtuahna mit erawh chu a fiah em em thung a ni.

13. B.Lalthangliana thuziak, Thiamna leh a hlutna tihah hian lehkha zir chhan hrang hrang ni thei awmte ziahlan a ni a. Thenkhat chuan hahdam deuha ei hmuh theihna turte, a then chuan sawrkar hna lian anbeisei vangte, thuneitu sang dinhmuna din duhna leh dinchakna te avangte, mi zaahawm nih duh hrim hrim vanga zirte pawh an awm. A chhan lam chu engpawh nise, lehkhazir hian mihring a tihmasawn hrim hrim a, lehkha zirtu rilru puthmang leh an thlen chin erawh chu a inang lo viau awm e.
14. Kaphleia thawnthu ziah, Chhingpuii tih hi thawnthu tawi ngaihnawm leh zirtir nei tha, thuril leh chhinchhiah tur tam tak awmna a ni a, a hlu hle a ni. Hmanlai mizo khawtlang nuna dinhmun phet ve tak tlangval Kaptluanga leh khawkhat nula duhawm leh hmeltha Chhingpuii inkara induhna leh inhmangaihna hi a mawiin a ngaihnawm hle a.

An thiante leh midang mithmuh pawha zahawm leh mawi taka an awm thin hian a thawnthu hlutna a phochhuak a, mizote thinlung mil zawng tak pawh a ni. Mahni dinhmun leh nihna chhuang tak chung a inkara tlakzeh tum, Lalnawta pawhin an inkar tihchhiat ngaihna pawh a hriat loh khawpin an rinawm a, tihmualpho hial a tum pawhin mahni inthiamlohna nei thei khawpin an zahawm a ni.

Damlohna avanga Kaptluanga a chet theih loh hnuah pawh, midangte sawi leh rel tur pawha awm duh lo leh, a kawppui rilru nat theihna tur chauh pawh ngaihtuaha invawng tlat nula rilru chu mizo mipate ngaihsan zawng tak a ni a, he thawnthuah hian Chhingpuii hi a duhawm thei ang ber leh a lainatawm thei ang berin a awm a, Kaptluanga nena an inhmangaihna chu engmahin a tihchhiat a phal lova, a vawng nung tlat a ni. A bialpa tan chauha a inhlanna hian he thawnthu hi a tingaihnawm a, ral laka a thih hnuah pawh, Kaptluanga tan chuan nun inhlana vena tur khawpin a hlu a, hmangaihna par pawh tlan lovin, mipakhat tan chauha inhlana ve vein he thawnthu hi a tawp a ni.